



REPUBLIKA E SHQIPËRISË

BASHKIA VLORE
DREJTORIA E PËRGJITHSHME RREGULLATORE
DREJTORIA E BASHKËQEVERISJES

Nr. 14054 prot.

Vlorë, më 27.08.2025

PROCESVERBAL KONSULTIMI PUBLIK

RAJONI 2

DATË 12.08.2025 ORA 17:00

Tema: Konsultimi i Buxhetit Afatmesëm 2026-2028 dhe planifikimi për projekt buxhetin e vitit 2026 për Bashkinë Vlorë.

Baza ligjore: Në zbatim të ligjit nr.139/2015 “Për vetëqeverisjen vendore” neni 18; ligjit nr.119/2014 “Për të drejtën e informimit”, ligjit nr.146/2014 “Për njoftimin dhe konsultimin publik” pika 1 dhe 2 neni 5, pika 1,2,3 neni 52; Rregullores e Organizimit dhe Funksionimit të Bashkisë; si dhe Kalendarit të Konsultimit Publik nr.12237 prot, datë 23.07.2025.

Marrin pjesë:

Kryetar i Bashkisë Vlorë z. Ermal Dredha, Kryetarja e Këshillit Bashkiak Vlorë-znj. Elpiniqi Mërkuri, Nënkryetarja e Bashkisë – znj. Klea Lalo, Kryetari i Rajonit z. Orest Ruçi, Sekretar i Këshillit Bashkiak – z. Daut Zeraj, Drejtor i Financës – z. Hiqmet Haxha, anëtar të këshillit bashkiak, drjtorë të Administratës së bashkisë Vlorë, përfaqësues nga komuniteti, përfaqësues nga biznesi.

(Në takim morrën pjesë më shumë se 20 persona, listëprezenca bashkangjitur)

Takimin e hapi Kryetari i Bashkisë Vlorë-z. Ermal Dredha: Përshëndetje,

Kemi filluar një seri takimesh në të gjitha rajonet dhe njësitë administrative për buxhetin 2026. Kjo është faza paraprake për të marrë indicie që të jemi sa më efikasë në planifikimin e buxhetit. Kemi parashikuar një projekt është aktualisht në fazën e tenderimit dhe shpresojmë të përfundojë deri më 15 tetor, me qëllim të fillojmë investimet e planifikuara. Rruga te Shkolla “Tregtare” është përfunduar me asfaltim, trotuar dhe ndriçim. Kemi bërë një projekt të ri për Shkollën “Ismail Qemali”, është parashikuar rikonstruksioni i kopshtit “1 Maj”. Do të krijohen dy parkime nën-tokësore me dy kate për të lehtësuar trafikun. Te Hoteli “Duka”, aktualisht përdoret si parkim pa pagesë, por po realizohet një projekt i ri që shpresojmë të përfundojë deri në shtator. Sheshi përballë Universitetit ka marrë një fond prej 10 milion euro për një parkim

nën-tokësor me dy kate për të akomoduar një numër të madh makinash. Rruga “Mevlan Drevishi” do të rikonstruktohet, dhe do të bëhet pastrimi i kanalit “Siav”. Po planifikohet gjithashtu rregullimi i plotë i kanalit për ta kthyer në një zonë atraktive. Do të furnizojmë 300 kosha plastik për pastrimin e qytetit. Rruga të “7 Pallatet” është bërë me asfaltim dhe vijëzim. Lulishtja të “Kali i Trojës” ka përfunduar, por ka nevojë për disa ndryshime. Në lidhje me hapësirat publike, do të nisë një aksion i gjerë, duke filluar nga Lungomare dhe në të gjitha territorët dhe lagjet, për të parandaluar abuzimin e hapësirës publike. Sugjerimet tuaja janë të mirëpritura. Në shtator do të flasim për vendosjen e masave konkrete dhe për gjëra specifike që kërkojnë vëmendje.



Banor i lagjes “10 Korriku”, pranë shkollës “Avni Rustemi”, kemi problem: Rrugët e brendshme të lagjes janë të pa shtruara dhe kanë nevojë për rikonstrukcion. Prania e qenve endacak pranë zonave të banuara është shqetësuese dhe kërkon ndërhyrje me prioritet. Kanalizimet dhe kolektorët kryesorë duhet të pastrohen dhe mirëmbahen rregullisht. Duhet bllokimi i lejeve për ndërtimet e reja po bëhen pa kriter. Ka nevojë për ndriçim të mjaftueshëm brenda lagjes. Duhet të sigurohet siguria teknike e pallateve që po ndërtohen.

Z. Ermal Dredha, janë vendosur gjoba për ndërtimet pa leje, dhe gjithashtu janë sterilizuar 250 qen.

Znj. Zamira Sinaj, duhet të shqyrtohet qendra e qenve, pasi situata është shqetësuese për banorët dhe është e nevojshme pastrimi i zonës.

Banor, Problemi janë gropat e shkaktuara nga punimet e ujësjellësit, që pengojnë lëvizjen e mjeteve.

Z. Vasillaq Merko, pranë Shkollës ‘Ismail Qemali’ ka nevojë për lirim të hapësirës publike, pasi pengon lëvizjen e njerëzve dhe të mjeteve.

Znj. Majlinda Duraj, banore e lagjes Uji i Ftohtë. Është ngritur një hotel pa respektuar lejen e ndërtimit, dhe shtesa e bërë pengon qarkullimin e mjeteve të domosdoshme për jetën e përditshme të banorëve. Kërkohet ndërhyrja për zgjidhjen e situatës. Inspektor, është mbajtur akt-konstatim, çështja dërgohet në prokurori.

Znj. Majlinda Duro, zona ka nevojë për pastrim, vendosje sinjalistike dhe pastrimin e kanaleve, pasi është një zonë turistike.

Z. Ermal Dredha, ndërtimi nuk është kryer sipas planifikimit urban. Po punojmë për ta parandaluar këtë dhe ju kërkojmë kohë për të stabilizuar situatën.

Banor i lagjes “Pavarësia”, mungesa e administratorit të pallateve po shkakton konflikte mes Banorëve.

Z. Ermal Dredha, Bashkia po merret me trajnimin e administratorëve të pallateve. Në disa

pallate të reja, kërkesa për administrator është refuzuar për shkak të pagesës. Tani, kjo është një detyrim ligjor: çdo pallat duhet të ketë administrator.

Banor i lagjes “Uji i Ftohtë” Kalaja. Ndërtuesi ka bllokuar hyrjen, duke penguar qarkullimin.

Banor, të hiqen koshat e plehrave të lulishtja pranë Mjekësorës dhe të pastrohet ura.

Banor i lagjes “Bujar Leskaj”, problem rruga të Tiku e Mato.

Banor i lagjes “Uji i Ftohtë”, problem me zënien e hapësirës publike dhe kalimin për të Shkolla “Tregtare”. Kjo zonë ka nevojë për koshat e mbeturinave.

Banor i pallatit Cobo Center. Ka nevojë urgjente për administrator pallati. KFC që ndodhet pranë është problematik, pasi erërat e ushqimeve depërtojnë në banesat tona. Për më tepër, nuk janë përgjegjës për hedhjen e mbeturinave dhe kanë zënë hapësirën publike të përbashkët.

Z.Ermal Dredha, KFC ka krijuar probleme për shkak të abuzimeve me mbetjet e biznesit. Do të vazhdojmë me kontrolle për të marrë masat e nevojshme.

Banor, Pranë shkollës ‘Ismail Qemali’ kërkojë heqjen e mbeturinave të shkaktuara nga hapja e kanaleve. Nevojitet përmirësimi i kalçetos së lagjes ‘Isa Boletini’ dhe heqja e koshave të plehrave pranë saj. Lagjia ka nevojë gjithashtu për ndriçim dhe hapësira parkimi.

Banor i lagjes Pavarësia, kërkon pastrim të zonës dhe përmirësim të kanalizimeve.

Banor, shërbimi i transportit publik është i kufizuar. Kabinat elektrike pranë Qendrës së Qenëve janë mbushur me mbetje dhe kërkojnë pastrim.

Z. Ermal Dredha, Faleminderit!

Konceptoi:

Aurora Kamberaj

Koordinatorë për Njoftim dhe Konsultim Publik